

EPILOGVS.



*Hæc sunt (Lector amice) quibus ex Ampliff. Magistrat. iussu, in conciuium nostrorum gratiam, ad Pharmacopæorum maiorem eruditionem, Pharmacia nostram pro prima impressione instruximus, & quidem æconomice, non parcius, ne inopia dimittat egentem, non largius ne Lectorem nauseet superfluum: à modo, & temperamento (à quibus & Medicina suum nomen desumit) etiam laudari optauimus hoc opus nostrum, non pauca continens si inueniantur sufficere, nec multa quoque si considerentur omissa. Nempe in illum mediocritatis scopum collimauimus, qui æquè ab arrogantia, ac paruanimitate distans, nec inuidiam nobis, neque etiam contemptum pareret. Vulgaria, & præter illa habet, imo supra vtrumque, quædam saltem, ne auidi conuerantur, non omnia omnino, ne satientur curiosi. Vos Pharmaceutices Artis amatores, qualia sint, æquo animo suscipite, nec oculo, hos labores, quamuis aliorum, neno passionis infecto despiciate; sed ex D. Cypriani monito Quæ à fratribus, & Collegis vtiliter, ac salubriter suggeruntur, si sint vera ac legitima, vestra potius dicatis: vel si quædam inueniatis insipida, ne quidem lautissimorum Cocorum embammata cunctorum palato arrident, Pharmacopæorum condimenta quomodo omnium ora approbabit? sin minus recte
quædam*

Idior.
Ethy. 4.

Epist.
71.

ERI

N

EPILOGVS.

quædam præparata, quod humanum est, falli, à nobis non
putamus alienum, adeoque si non ex odij stimulo, sed cha-
ritatis zelo contingat, Nos ipsos cum Cicerone, redargui, ^{2. Tuf-}
refellique patiemur: quod ij ferunt iniquo animo, qui cer-
tis quibusdam, destinatisque sententijs quasi addicti, & con-
secrati sunt, eaque necessitate constricti, vt etiam quæ pro-
bare non soleant, constantie suæ causâ, cogantur defendere:
nos qui sequimur probabilia, neque vltra id quod verisimile
occurrit, progredi possumus, & refellere. sine pertinacia, &
refelli sine iracundia parati sumus.



N n 2

IN-